

devotionem, parvum epilogum seu compendium præmitto, ad pedem litteræ in notitia gravium Auctorum enixus, tui beatissimi transitus, scilicet. Comuni sensu Patrum et Auctorum est, meum amatum Sanctum Josephum, die vigesimo Julii, in beatam vitam transiisse; et ne hoc parvum obsequium in honore beati transitus sui, onerosus tibi fiat, mihi visus fuit suum exercitium per septem hebdomadæ dies distribuere, a decima quarta die Julii incipiendo, ut vigesima finiatur. Illustrissimus ac Reverendissimus Dominus Fr. Joseph Maria Belaunzaran, qui primus fuit Linarensis Episcopus, magna virtute; multiplice doctrina, ferventissimo animarum salvandi zelo, multis laboribus propter justitiam a malevolis toleratis, qui suffocare eum voluerunt omnibus modis inter terribilem tempestatem; ille mexicanus et dignissimus Præsul, cum aliis Presulibus mexicanis, dignati fuerunt quadraginta indulgentiarum dies largire, iis qui Sancti Josephi obitum honorentur, vigesima die Julii.

Nos hæc sublimia, &c.

R. Deo gratias.

R. Senuit Joseph et processit in diebus suis, septuagenarius enim erat.*Non tamen debilitatus fuit in viribus corporis et fortis in omnibus membris suis sicut in inventute sua. ¶ Erat tanta ætate completus in omnibus viribus suis. Non tamen....

---DIA 14 DE JUNIO.---

LECTIO I.

---EX DOCTORIBUS.---

Non parum attulit dignitatis Joseph, legatio angelica, qua ei demandavit dicens: Vocabis nomen

ejus Jesum.—*Isid.*—Impositione enim ac sanctissimi nominis hujus publicatione secretum cœleste mundo aperuit Joseph, Patris cœlestis vices gessit, Spiritus Sancti arcana quæ in canticis ac prophetiis mysterio abscondita erat, patefecit; beatissimæque mundi Reginae conjugii suæ collega fuit, atque angelicæ majestatis sublimatum attigit.—*Isid.*—Jesus erat Filius Dei Patris, et Sanctus Joseph Patris cœlestis vices hac in dignitate gessit.—*Isid.*—Illa igitur tempestate Sancto Joseph apud Patrem cœlestem nemo grandior, nemo gratior, nemo præclarior.—*Isid.*—Tanto vero præcellit Joseph dignitate angelis et hominibus, quanto lux clara crepusculo.—*Isid.*

Nos hæc sublimia, &c.

R. Deo gratias.

R. Noster immaculatus Joseph tanquam potentissimus in omnibus.*Eligitur in patronum universalem totius Sanctæ Ecclesiæ. ¶ Et valet ejus intercessio ad omnia negotia. Eligitur....

LECTIO II.

Transitus Sancti Josephi juxta Sedem Apostolicam

Dominus noster Sanctissimus Pontifex Pius Octavus, (juxta Venerabilis Cleri Mexicani Civitatis Directorium ad milesimum, octingentesimum trigessimum octavum annum pertinens) felicis recordationis, per suum decimi noni Julii, milesimi, octingentesimi, vigesimi noni anni, rescriptum, omnibus fidelibus, applicabilem, indulgentiam plenariam largitus est, animabus purgatorii, gloriosi Patriarchæ Domini Sancti Josephi septenarium recitantibus, omnibus in suis festivitibus, maxime transitus in festivitate ejus, die vigesima Julii uniuscujusque anni, in unaquaque Ec-

clesia seu Sacello per Ordinarium ad celebrandum destinatam, contritis, confesis et comunicatis. Quam indulgentiam, etiam si contriti, confesi, et comunicati, aliquem religionis actum ad confessoris libitum exercerent, infirmi lucrabunt. Juxta alium ipsius Pontificis rescriptum, miliesimi, octingentesimi, tregesimi anni, vigesima secunda dia Augusti, etiam Purgatorii animabus applicabilem, perpetuam indulgentiam, omnibus fidelibus. Pænitentia et Eucharistia sacramenta accipientibus nec non et contritis, Ecclesiam seu Ecclesias quibus Sancti Joseph Septenarium celebretur, inviserint, causa Sancti Patriarchæ Patrocinii seu Transitus festivitatem celebrandi, et ibidem aliquo tempore orationem pro fide propaganda fecerint, largitus est: quam indulgentiam, unorumque septenarii dierum lucrare poterunt, et in festivitibus transitus et patrocini. Ergo Apostolicæ Sedis voluntas est, vigesimam, uniuscujusque anni, Julii a fidelibus gloriosi transitus Sancti Josephi festivitatem celebrari.

Nos hæc sublimia, &c.

R. Deo gratias.

R. Princeps potuit a lege sua aliquos suos liberare. * Ergo summus Princeps potuit liberare fidelissimum suum servum Joseph a lege peccati originalis. ¶ Ergo de facto liberatus fuit de illa a dilectissimo suo Filio Jesu. Ergo . . .

LECTIO III.

Beatus Joseph, præservari potuit a peccato originali.

Noster Sanctissimus Joseph, potuit, Deo præservante, concipi absque peccati originalis macula, quia hoc non erat impossibile apud Deum, quia omnipo-

tes; quia licet Deus Adæ contulerit originalem justitiam ea lege, ut si mandatum transgredereetur totam posteritatem suam, quæ in eo erat, illa privaret; nihilominus post prævisum peccatum Adæ, potuit Deus velle ut peccatum reipsa non transfunderetur in Virginem Joseph, sed prævenire et impedire illud per gratiam ei infusam in primo conceptionis ejus instanti; sicut factum est in honorem et gratiam suæ divinæ Sponsæ Mariæ: quia Deus loquendo contra Adam et ejus posteritatem, non se privat jure et libertate miserendi cujus vellet et quando vellet. Nec est repugnantia ulla, quod Sanctissimus Joseph fuerit in peccato originali conceptus; sed nihilominus potuerit Deus privilegium illud concedere, nec reipsa peccatum contraheret. Deus potuerit hanc facere præservationem, quia non est impossibile apud Deum omne verbum; neque ex parte creaturæ nihil obstat, quominus eodem temporis puncto, anima rationalis creetur a Deo et gratia repleatur. Et si Angeli creati sunt cum amore Dei quo illi adhaerent, a fortiori Virgo Joseph qui omnibus præcellit angelis. Ergo noster Sanctissimus Joseph, tamquam virginalis Dei Pater, potuit concipi in splendoribus sanctorum omnium.

Nos hæc sublimia, &c.

R. Deo gratias.

R. Appropinquarunt dies Joseph ut moriretur et apparuit ei Angelus Domini. * Et infirmatus cecidit in lectum suum. ¶ Aggravata est valde ejus infirmitas et inter brachia Jesu et Mariæ mortuus est. Et infirmatus. . .

—DIA 15 DE JUNIO.—

LECTIO I.

—EX DOCTORIBUS.—

Beatissima Virgo et Joseph aequa auctoritate con-
venerunt in impositione nominis Jesu. Hoc nempe
paterna auctoritas, hoc angelica legatio, hoc denique
beatissimae Virginis pudor exigit immaculatus.—
Isid.—Nomen igitur Jesu imposuerunt Deus, ange-
lus, Maria et Joseph: Deus quidem rem nominis
praestando, angelus praedicendo, Maria imperando,
et Joseph exsequendo.—*Isid.*—Visiones nostri divini
Josephi fuerunt, testante Sacro Evangelio, per mul-
tiplex somnium, quod perficiebat excellentissime
praesentia Matris Filii Dei, ipseque idem Dei natus,
sive Matris gravidae gestatus utero, sive infans ex
utero jam dilapsus.—*Isid.*—Data fuit Josepho illu-
minatio quidem de Verbo incarnato, et innuitur cum
Evangelista: Surge et accipe Puerum, et Matrem
ejus, et fuge in Aegyptum.—*Isid.*

Nos haec sublimia, &c.

R Deo gratias.

R Quibusdam sanctis datum est in aliquibus cau-
sis patrocinari.*Nostro autem potentissimo Josepho.
¶ In omnibus causis concessum est. Nostro....

LECTIO II.

Probatur praeservatio ab originali macula
—ex Scriptura.—

Peccatum intravit in mundum, atque adeo non in
nostrum Joseph, qui ut Sanctissimus, mundi appela-
tione non continetur. Sicut et per unum hominem
peccatum in hunc mundum intravit, et per pecca-

tum mors; ergo peccatum non intravit in nostrum
Joseph, quia ut Sanctissimus, esse de hoc mundo
non potuit; quia noster Virgo Joseph semper fuerit
plenus gratiae, cum illa summa plenitudine, quae
certissime debetur Patri Jesu; ergo non debet in
mundi significatione comprehendi. Et quid mirum
si omnipotens Dominus qui in temporum diversitate
Apostolos suos liberavit, ne computarentur de mun-
do, hanc gratia dilectissimo suo Patri Josepho in
sua conceptione concessit? Ideoque fundamenta gra-
tiae nostri Josephi in montibus sanctis; id est, gratia,
quae aliis fuit finis et terminus, Beato Josepho fuit
initium et fundamentum. Fundamenta nostri Jose-
phi in montibus sanctis, quia fundamenta ejus sancti-
tatis posita fuerunt, ubi major inter sanctos consu-
matur. Et erit (scriptum erat) praeparatus mons
domus Domini in vertice montium; quia gratia, quae
in aliis fuit finis, illi initium et fundamentum esse
videtur. Unde sanctitas patriarcharum, sanctitas
prophetarum, sanctitas conjugum, sanctitas virgi-
num, sanctitas confessorum, sanctitas martyrum, sancti-
tas evangelistarum, sanctitas apostolorum, et sanc-
titas denique eorum qui in materno utero sanctificati
fuerunt, initium fuit et fundamentum nostri Sanctis-
simi Josephi, quia ea puritate niti decebat, qua sub
Maria major non possit intelligi.

Nos haec sublimia, &c.

R Deo gratias.

R Nisi quia Dominus adjuvit me, paulo minus
habitasset in inferno anima mea.*Deus meus sus-
ceptor meus, misericordia ejus praevieniet me. ¶ Sal-
vasti de necessitatibus animam meam nec tradidisti
me in manibus inimici mei. Deus meus....

LECTIO III.

*Probatur præservatio ab originali macula
—ex Scriptura.—*

Elegit nobis hæreditatem suam, speciem Jacob quem dilexit: Species Jacob dici potest noster Sanctissimus Joseph, quæ ejus stirpem mirifice exornavit. Dilexit ergo Deus speciem Jacob pulcherrimum virginem Jacob, in terra benedictum, avertendo ab eo omnem peccati captivitatem, et speciatim peccati originalis. Benedixisti, Domine, terram tuam avertisti captivitatem Jacob; id est, captivitatem peccati originalis nostri Josephi; quia Jacob genuit Joseph, virum Mariæ de qua natus est Jesus qui vocatur Christus. Quæ verba ergo commode satis possunt intelligi de nostro Sanctissimo Joseph, cujus futuram captivitatem peccati originalis avertit Deus, quia dilexit illum. Hac de causa esse possit, cum in conceptionis ejus instanti, quo Dæmon Virginem Josephum, ferrea originalis peccati manu, volebat apprehendere, Deus eum originali justitia mire præservatum et ornatum opportune satis eripuit. Quo diabole, conatus in viro tum ceciderunt qui beatum Joseph sicut reliquos Adæ jam jam inficere parabas? et consequenter, illo primo informationis instanti, Spiritus Sanctus suum fratrem Virginem intuens, tanquam verum maritum suæ Sponsæ Mariæ, sic eum allocutus est: Ecce tu pulcher es et decorus. Hoc modo adimpletum est in illo, illud Psalmistæ agentis: Cum ceciderit non collidetur, quia Dominus supponit manum suam; id est, cum ceciderit noster Sanctissimus Joseph in debito peccati contrahendi, supponit manum suam, eum revera præservando ab originali culpa.

Nos hæc sublimia, &c.

R Deo gratias.

R Haec autem sanctitas præservatio ab originali erit *Quæ a debito ex necessitate illud incurrendi per Dei misericordiam liberatus in ipso creationis animi et corporis. ¶ Magna ergo et inusitata fuit conceptio, quia decebat illam esse ut Patris Dei.— Quæ a....

—DIA 16 DE JUNIO.—

LECTIO I.

—EX DOCTORIBUS.—

Cum divus Joseph Christum maximum verum Deum, certissima arbitraretur fide, inexcogitata afficiebatur jucunditate, quando non solum divinum esse et immortale participaret; sed ipse cujus esse divinum et immortalem, Filium suum putari disposuisset — *Isol.* — At quæ gaudia Joseph expertum fuisse credimus, cum omnis principium nobilitatis ac boni a se enutriri et custodiri animadverteret. — *Isid.* — Didicerat dudum Joseph plurima sanctarum litterarum dogmata, præsentia Verbi Dei illuminantis omnem hominem venientem in hunc mundum. — *Isid.* — Contemplabatur ea in aetate Joseph non numquam Jesum infantulum dormientem. O quoties infantem exosculans quam dulcissime aiebat: O felicia oscula quæ humani generis sancti patres per tot et tanta sæcula exoptarunt. — *Isid.*

Nos hæc sublimia, &c.

R Deo gratias.

R Quamvis licet nobis quamplurimos patronos habere. *In particulari tamen unusquisque nostro di-

vino Josepho confidenter inhaeret. ¶ Quia revera Pater noster est. In particulari....

LECTIO II.

*Probatur præservatio ab originali macula
—ex Scriptura.—*

Etiam præservatio ab omni macula peccati, in favore nostri Sanctissimi Josephi videtur mihi probari posse ab illis verbis ab Evangelista prolatis: Joseph autem cum esset justus; id est, perfectissime justus, sicut decebat vero virginali Patri Dei; id est, gratia plenus, cum summa plenitudine, tantum autem inferiore, illa plenitudine, quæ Matri Dei propria est; justus, cum justitia excludente ex integro iram primi peccati, et plenam benedictionis gratiæ restitutæ. Ex quibus verbis et his etiam, Virum Mariæ de qua natus est Jesus, toties geminatis satis colligitur, gratuitam liberationem ab originali peccato, peculiari quodam et insolito modo inter omnes puros homines a Deo in Virgine Josepho fuisse operatam; semper enim convenit illi; Dominus possedit me in initio viarum suarum; non modo absoluto, sicut convenit divinæ Sapientiæ ab æterno genitæ, sed Sanctissimo Messias virginali Patri, quædam in illis recti potius adaptari; ideoque ab æterno noster Sanctissimus Joseph fuit præservatus a peccato originali. Per peccatum originale jus habebat Dæmon in omnes descendentes ab Adam per communem propagationem, quia per eum peccatum in hunc mundum intravit, in quo omnes peccaverunt; a quo per singulare præservationis privilegium, noster Virgo Joseph semper sub dominio et possessione Dei, et utrumque amplectens dicit: Do-

minus possedit me in initio viarum suarum, et cum eo eram cuncta componens.

Nos hæc sublimis, &c.

R. Deo gratias.

R. Vae, vae, habitantibus in terra.*Propter vae peccati originalis, propter vae peccati mortalis, propter vae peccati venialis. ¶ Sed noster Joseph acclamatus fuit ab Angelo vir justus, id est homo sine peccato. Propter....

LECTIO III.

*Probatur præservatio ab originali macula
—ex Scriptura.—*

Si juxta Sacram Scripturam, gloria hominis ex honore parentum, et dedecus Filii, Pater sine honore, certissime concludendum est, nostrum Sanctissimus Josephum, esse revera sine labe conceptum. Poterat enim diabolus gloriari, quod aliquando, saltem per modicum tempus habuerit jus domini et possessionis in ipso beato Josepho, ratione originalis peccati contracti. Quod certe maxime inconveniens est, et absurdum putaretur, ut protectori universalis Ecclesiae, qui est Virgo Joseph, tamen crimen inferri posset. Cadit hæc præservatio in honorem B. V. M., quia ejus Sponsa est; et cadit in honorem ipsius Christi, ne posset aliquando ipse diabolus dicere; Patrem suum Josephum elegisse qui aliquando fuerat subditum peccato, quod mente solum cogitare refugit animus, et ore tantum proferre pias offendit aures. Ergo revera concluditur, ex illo Ecclesiastici texto, præservatio nostri Josephi ab omni peccato, etiam originali. Hac de causa, noster Sanctissimus Joseph tamquam Sponsus V. M., et virginalis Pater Jesu, potuit et debet, omnibus gentibus dicere;

Quis ex vobis arguet me de peccato? Venit enim princeps hujus mundi, et in me non habet quidquam. Et si nullum gratiae beneficio alicui purae creaturae, collatum, nostro Josepho negatum est, cum revera Adam sine peccato originali, deinde Heva etiam sine peccato, ergo hoc beneficium concessum est nostro Josepho.

Nos hæc sublimia, &c.

R Deo gratias.

R Noster Sanctissimus Joseph ab initio viarum Dei possidetur.* Ergo non habet originale peccatum. ¶ Ergo tamquam per modum unius fuit cum sua Sponsa, sine labe originali conceptus. Ergo....

—DIA 17 DE JUNIO.—

LECTIO I

—EX DOCTORIBUS.—

Nonnumquam Joseph divinum infantem considerabat et prae gaudio liquescens dicebat: Pulchrae sunt genae tuae sicut turturis.—*Isol*.—Cum infans Jesus ore proferre verba caepit, aiebat: Haec vox ejus est, qui in prophetis locutus est; haec vox humana est quam auribus percipio, locutionem vero divinam ab aeterno incessabilem, unam et indivisibilem non audio, sed Pater qui est in caelis.—*Isid*.—Magnum et admirabile sacramentum Lucas describens amissionis et inventionis pueri Jesu in templo, paribus laudem generibus Deum affuisse Joseph et Virginem beatissimam exploratum reddit quam clarissime (nempe.) Communis parentis dignitas, ejusdem nescientiae paritas, similis laboribus anxietas, unius termini hilaritas, ejusdem responsio hono-

rabilitas, unius itineris jucunditas, et paris obedientiae sublimitas.—*Isid*.—

Nos hæc sublimia, &c.

R Deo gratias.

R Significare vult Deus omnibus Patrocinium Sanctissimi Josephi invocantibus.* In caelis ad dexteram Patris existens ¶ Et in terra libentissime nobis concedens. In....

LECTIO II.

Probatur praeservatio ab originali macula

—ex Scriptura—

Noster Sanctissimus Joseph non solum fuit sine ultimo vae, scilicet, paenae, quae in separatione animae et corporis, quae est incineratio et corporis dissolutio, non solum sine secundo vae culpae mortalis, venialis aut imperfectionis; sed etiam sine vae primo, nempe culpae originalis; et sine hoc tyrano concupiscentiae conceptus est, teste Salomone dicente: Ecce tu pulcher es et decorus. Caeteris enim hominibus competit illud Psalmorum: Alienati sunt peccatores a vulva, erraverunt ab utero, quia omnes fuerunt in peccato concepti. Et post Mariam, in solo autem Josepho convenit quod immediate sequitur; Singulariter sum ego donec transeat; et sic, licet hostes, ratione peccati originalis vexilla posuerunt super omnes filios Adam, etiam super summum Joannem Baptistam; tamen signa illa et omnia victori nostro virgini Josepho plenissime submiserunt. Hac de causa fuit a Sancta Sede Patronus Ecclesiae Universalis declaratus; quia eum terribilem, ut castrorum aciem ordinatam, et mille clypeos divinae gratiae, et omnem armaturam fortium ab eo pendentes vidit. Et hinc pendent quam plurima divinae

Scripturæ loca, quæ non temere nostro Sanctissimo Josepho accomodantur; neque tamen possunt satis apte et decenter illi attribui, nisi per gratiam singularissimam fuerit, quæ ad totum omnino ipsius vitæ tempus, atque adeo etiam in primo ejus momento immunis prorsus ab omni macula, et tenebrositate, et fæore, et miseria, et culpa, et irruptione peccati.

Nos hæc sublimia, &c.

R Deo gratias.

R Per sacram desponsationem Virginis et Josephi.
*Suppositum divinæ naturæ factum est suppositum humanæ naturæ. ¶ Ideoque accidentaliter non advenit, sed substantialiter. Suppositum....

LECTIO III.

*Desponsatio Virginis et Josephi est Christi
—vestimentum.—*

Sicut verum sit præsumptionem veritatis esse in favorem illius, qui fundatur in regula generali et communi; tamen, fortior præsumptio est, pro eo qui generalem regulam constituit; quia in ea generalitate et universalitate noluerit comprehendere id quod verosimiliter in particulari non esset negandum. Sic ergo, valde verosimile rationi et veritati maxime congruum, iudicio piorum et prudentum censeri debet, Deum optimum in generali lege et præcepto posito in Adamo, dicens; In quocumque enim die comederis, morte morieris; et in universale regula assignata ab Apostolo; sicut per unum hominem peccatum intravit in hunc mundum et per peccatum mors, ita et in omnes homines mors pertransivit, in quo omnes peccaverunt, noluisse alios parentes Christi, ab Æterno electos, et a Deo magis quam universalis Ecclesia dilectos, comprehendere,

quia per hanc desponsationem Æterni Patris Filius in Incarnatione vestiretur et homo fieret juxta vaticinium David; Dominus regnavit, decorem indutus est, indutus est Dominus fortitudinem et præcinxit se. Quam familiares facti estis Domino Jesu! quam proximi, immo quam intimi fieri meruistis! In vobis manet Jesus, et vos in eo; et vestistis eum, et vestimini ab eo; vestistis eum substantia carnis, et vestit vos ille gratia immaculatæ conceptionis.

Nos hæc sublimia, &c.

R Deo gratias.

¶ Viderunt eum filiæ Sion, et beatissimum prædicaverunt. *Non accedet ad te malum. ¶ Et flagellum non appropinquavit tabernaculo tuo. Non accedet....

—DIA 18 DE JUNIO.—

LECTIO I.

—EX DOCTORIBUS.—

Secum diu æstuans Joseph, diu cogitavit, et diu prudenter deliberans cogitavit.—*Card. Cam.*—Videtur quod Angelus debuit dicere: retine eam et non dimittas eam, sed melius Angelus ait: accipe quam dimittere cogitas ego enim eam tibi voce Dei copulo.—*Alb. Mag.*—Voluit Joseph occulte dimittere eam, quod perfectam attinet justitiam.—*Rup.*—Ipsemet Joseph Angelo revelante Mariam de Spiritu Sancto concepisse statim credidit.—*Card. Cam.*—Intumuit Mariæ uterus, et Josephi cor sauciatum est.—*S. Proculus.*—Jam Mariam mente Joseph dimiserat.—*Chrysog.*—Hoc erat justii hominis, nec tantum justii, verum etiam pii.—*Rup.*—Ne virgo affigeretur; ut ne in minimis quidem Virgini vellet

inferte maestitiam.—*Tost.*—Causa fuit quia Domina nostra Maria non sciret Joseph turbatum.—*Tost.*—Merito Angelus sese in somnis ostendit, nam de anxietate ista aliae potentiae omnes paeter intellectum in Josepho nihil noverant.—*Sylv.*

Nos hæc sublimia, &c.

R. Deo gratias.

R. Jesus Christus natus est in ea et ex ea carne.* Cujus dominium, jure matrimoniali vere translatum est in ipsum Joseph. ¶ Unde dixit Mariae: Ecce Pater tuus et ego dolentes quaerebamus te. Cujus dominium....

LECTIO II.

*Probatur præservatio ab originali macula
—ex Scriptura.—*

Desponsatio B. M. V. cum B. Josepho figurata fuit in templo Salomonis, de quo dicitur; Nihil erat in templo, quod non auro tegetetur; et cum ædificium inciperetur dicitur: Domus autem cum ædificaretur, de lapidibus dolatis atque perfecta ædificata est; et malleus, et secures, et omne paramentum non sunt auditi in domo cum ædificaretur. Nostri quidem Salomonis templum in desponsatione cernitur, id est, in Maria et Josepho ejus contrahentibus meritoque prædicatur, suscipitur, et colitur; et de ipso architecto non optime profecto judicamus, si hoc ejus opus non ex omni parte purum, perfectum, et expoliatum esse fatemur. Præcipue autem cujuslibet architecti cura est circa templi fundamentum juxta illud; fundamenta ejus in montibus sanctis. Architectus autem templi desponsationis Mariae et Josephi, ipse Dominus Omnipotens fuit; qui ut sapientissimus, prima fundamenta jecit ut

ait Psalmista: Ipse fundavit eam Altissimus; et in Proverbiis legitur: Sapientia aedificavit sibi domum et excidit columnas septem, nempe, tum Beatissimam Virginem Mariam, tum beatissimum Virginem Josephum, super septem columnas, id est, septem dona Spiritus Sancti fundavit. Ea propter de ipsa desponsatione dicere possimus: Haec domus Domini firmiter aedificata, quia numquam fuit in ea peccatum originale; bene fundata est supra firmam petram; supra omnes virtutes almis parentibus Christi convenientes.

Nos hæc sublimia, &c.

R. Deo gratias.

R. Ne timeas Joseph, Pater Jesu, accipe Puerum et Matrem ejus et fuge in Ægyptum.* Cum dixit Angelus Pater Jesu, ex integro iram excludit primae sententiae. ¶ Et plenus benedictionis gratia fuit et restitutus. Cum....

LECTIO III.

*Sicut lilium inter spinas sic Pater meus inter
—omnes creaturas.—*

Pater noster magnus Dominus Sanctus Joseph, sicut lilium inter spinas est; nam sicut lilium est inter flores, formositate singulari atque fragantia, ita ut inter omnes, evidentibus excellentiis, præcellit; sic Dominus Sanctus Joseph, ita omnibus hominibus et Angelis superior existit, ut sua sinceritate oculorum attentionem rapit, nec non coeterorum sensuum peculiarissima ejus fragantia omnis virtutis. Ita lili sinceritas ut puritatis imago seu symbolum existit, adeoque expressivum suae immaculatæ conceptionis symbolum est. Hac de causa, nostris in luctuosis diebus omnium corda Jesu Pater fert,

sicut antea una cum ejus Sponsa Verbi Incarnati attentiones blandissimas rapuerat, eo ipso quo pascit inter lilia Mariae et Joseph. Ideoque puritas nostri immaculati Josephi, attenditur per recessum a contrario; et ideo potest aliquod creatum inveniri, quo nihil purius esse potest in rebus creatis, si nulla contagione peccati inquinatum sit; et satis fuit puritas Domini Sancti Josephi; ideoque hac de causa dicere possimus, talem fuisse puritatem Sancti Josephi, qui tamquam dignissimus Sponsus Mariae et Pater Jesu, a peccato originali et actuali omnino immunis fuit; quia decuit, ut ea puritate noster Virgo Joseph niteret, qua major sub Deo nequit intelligi, quia tamquam dignissimus Mariae Sponsus, decebat ut tota veritate sit illi simillimus.

Nos hæc sublimia, &c.

R. Deo gratias.

R. Ab Æterno ordinati sumus Joseph et Maria.*
Et ex antiquis antequam terra fieret ut Almi Parentes Christi. ¶ Nondum erant abyssi et nos jam concepti eramus. Et ex....

—DIA 19 DE JUNIO.—

LECTIO I.

—EX DOCTORIBUS.—

Jesu Parentum communis dignitas inter Joseph et Mariam, ter repetitur eum Evangelista ait: Ascendentibus parentibus ejus.—Et non cognoverunt parentes ejus.—Ego et Pater tuus dolentes quaerabamus te.—*Isid.*—Ejusdem nescientiae paritas attribuitur Joseph ac beatissimæ Virgini. Et non cognoverunt parentes ejus.—Nescierunt illum esse in comitatu vel non fuisse.—Maria opinante quod in

comitatu virorum cum Joseph esset; Joseph vero existimante, quod in mulierum caterva cum Maria Matre foret.—*Isid.*—Tertium laudis genus est, similis laboris anxietas, dicente Evangelista: Requirebant eum inter cognatos et notos: et non inveniētes regressi sunt in Jerusalem, requirentes eum; et post triduum invenerunt eum in templo.—*Isid.*

Nos hæc sublimia, &c.

R. Deo gratias.

R. Obsecro ego omnes filios Instituti Josephini, et ab eis exigo et humiliter peto.*Ut amore, devotione, et imitatione ad Sanctissimum Christi Patrem. ¶ Ferventissime accedant et revera illuminantur. Ut amore....

LECTIO II.

Non pro te, sed pro omnibus hæc lex constituta est.

Quamvis in Scriptura textus non inveniatur expressi, quibus immaculata Josephi constet conceptio; attamen, nunquam eximii intellectus defuerunt, qui, vi subtilium argumentorum et profundorum, Josephum fuisse sine culpæ originalis labe conceptum, probare conarentur; adeoque, in materia hac, dicere poterimus, quod de sua divina Sponsa dictum fuit olim, scilicet: non pro te, sed pro omnibus hæc lex constituta est. Ideoque ex Scriptura petendum non est clarum testimonium, ubi hoc asseratur; esset enim temerarium hoc postulare, cum alia privilegia virginis Joseph, quæ admittit Ecclesia, non requirant hujusmodi testimonium. Ergo, quemadmodum de immaculata terra factus est homo primus, sic necessarium fuit, ut de virginalibus et immaculatis parentibus natus esset Jesus Christus. Ergo illa Virgo Maria Mater, atque

ille Virgo Joseph Pater, præservati fuerunt a peccato originali, primo suæ conceptionis instanti, et omnino ambo liberati ab omni culpa. Ergo almi parentes Christi, tanquam sanctissimi, gloriosissimi, et immaculati, ab omnibus fidelibus possunt esse honorati. Ergo ad ea tempora deveniamus, ut sicut conceptio immaculata B. Mariæ Virginis sit revera dogma nostræ sanctæ fidei, sic etiam opinio, quæ originale peccatum in Josepho non agnoscit, ita sit communis, ut suo tempore sit etiam de fide.

Nos hæc sublimia, &c.

R. Deo gratias.

R. Erat enim formosus valde et incredibilis pulchritudine. *Posuit diadema regni in capite suo. ¶ Non enim pro te, sed pro omnibus hæc lex constituta est, quia Pater meus es tu. Posuit....

LECTIO III.

Sicut liliū inter spinas, sic dilectus meus inter omnes homines.—

Sanctissima Virgo Maria, dum dignissimum ejus Sponsum sibi assumpsit, ipso ei loqui debuit sensu, quo et ipse de ea loquutus fuerat. Joseph, cui nullo modo latebat, Mariam Dei genitricem esse, adeoque a primo conceptionis suæ instanti, intuitu meritum Christi, ab omni originalis culpæ labe præservatam immunem, sicut liliū omnes inter Hevæ filias, eam composuit. Et Maria, quæ nihil in Josepho aspiciet at, nisi Jesu Patrem dignissimum, vicissim ei similiter ait: similis es tu, mi Sponse, inter omnes homines candido lilio, adeoque, conceptus es tu, sicut ego, sine culpæ originalis labe. Et requidem vera, uti pulcherrimus lili flos tantum super omnes flores præstantius habetur ut, quodammodo, flos

est peregrina antonomastice; ita Joseph noster purissimus, tanquam liliū in medio spinarum inventus et candidus nive; et sicut nulla florum lilio major, sic noster Sanctissimus Joseph, meruit ab initio suæ conceptionis sine labe, tanquam candidissimus flos pulchre in cor Jesu dispositus ab Æterno. Sicut liliū inter spinas, sic dilectus meus inter creaturas; et hac de causa, Virgo Joseph, est liliū immaculatum, sublimius Angelis factum, superius ipsis Cherubim et Seraphim, placens Christo Jesu, a Deo in honore habitus, tanquam dignissimus B. Mariæ Sponsus, atque Jesu Pater, et revera Pater Sanctus, Pater immaculatus, solo Jesu et sua Mater exceptis, cunctissuperior creaturis.

Nos hæc sublimia, &c.

R. Deo gratias.

R. Noster purissimus Joseph est liber scriptus intus et foris, intus per spirituales intellectum, foris autem per sensum litterarum. *Ejus vita immaculatum Dei Patris conceptum illustrat. ¶ Pia et recta existimatione hæc diceremus, quia. Ejus....

—DIA 20 DE JUNIO.—

LECTIO I.

—EX DOCTORIBUS.—

Inter Mariam et Joseph fuit semper par labor, par dolor, par sollicitudo animi, et a simili fluxerunt charitate.—*Isid.*—Unius termini hilaritas fuit revera inter Mariam et Joseph, dicente Evangelista: Post triduum invenerunt illum in templo sedentem in medio doctorum; ideoque pariter Je-
Plissima